

ՀՐԱՊԱՐԱՌՈՒՄՆԵՐ

ԱԼԵՔՍԱՆԴՐ ՍԱՏՈՒՐՅԱՆԻ ՆԱՄԱԿՆԵՐԸ
ԿԱՐԱՊԵՏ ԿՈՒՈՒՅԱՆԻՆ

«անաստեղծ Ալեքսանդր Սատուրյանը (1865—1917) լայն նամակագրություն է ունեցել ժամանակի գիտնականների, գրողների և այլ գործիչների. այդ թվում նաև գրականագետ, լեզվաբան Մաակվայի Լազարյան Տեմարանի Լեզուբանական մանկավարժ Կարապետ Կուսիկյանի (1864—1915) հետ:

Նամակներում արծարծվում են հասարակական և բանասիրական կարևորություն ունեցող խնդիրներ, բացատրվում են նաև նրկու մտավորականների կյանքի և գործունեության մեզ անհայտ էջեր:

Նամակները պահվում են Ծ. Չարենցի անվան գրականության և արվեստի թանգարանում (Կ. Կուսիկյանի ֆ., փաստաթուղթ N 246—249):

ՎԱՐՈՋԳԱՏ ՎԱՐԻԱՆՅԱՆ

2 հոկտեմբեր, 1910
Ծախա

1

Սիրելի Կարապետ

Ահա 2 շաբաթ է արդեն որ վայելում եմ իրիմի հրաշալիքները, կամ, ավելի ճիշտն ասած՝ բարիքները—անամպ երկինք, ոսկեշող արև, կապույտ ծով, թավաթիլ բնություն... ո՞ր մեկն ասեմ, ո՞ր մեկը թվեմ... միայն ափսոս, որ վայելքս լիամաս չէ: իրիմի դալարագեղ ափերը ոտք դնելուցս օրից սկսվել է անիծյալ գլխացավս և այս զգեղեցիկ աշխարհըս սևացնում է աշքիս... Առավոտից մինչև երեկո, երեկոյից մինչև առավոտ գլխացավս չի կտրում: Լինում են շատ կարճատև ընդմիջումներ միայն: Զրկված եմ կարողալու, մեկի հետ մի 1/2 կամ 1/4 ժամ մտքերի տևողական փոխանակություն ունենալու կարողությունից, էլ չեմ խոսում պարապելու, գրելու, ստեղծագործելու մասին, զե կարող ես երևակայել իմ հոգեկան դրությունը: Այս զգեղեցկության ծովումս ես նման եմ այն նավին, որի նավապետը հիվանդ է... Մարդուս վրտին էլ նավապետի պես մի բան է: Լավ է, որ դոնե վերա Ստեպանովնան՝ հետս է: Նա կարգում է ոսերեն կամ հայերեն թերթեր, գրքեր, իսկ ես ականջ եմ դնում, իմ հոգեկան տանջալից վերապրումը կարող է զգալ խորունկ միայն տիկին Նունեն, որ նույնպես ենթակա է այդ ցավին:

է՛հ, բավական է գլխացավիս մասին, վախենում եմ գլխացավովս քո գլուխն էլ ցավեցնեմ:

Ի՞նչ նորություններ կան Մոսկվայում: Ի՞նչ են փսփսում մեր զեկուցադրի մասին: Տեսա՞ր թժ. Սուրենյանցը какой фортель викинул! Արդյոք դու կարգադր՞ր նրա առանձին կարծիքը: Իմ կարծիքով, նա պիտի կարդար մեզ իր ահավելումըս, որպեսզի մենք էլ հարկ եղած դեպքում մեր ասելիքն ասեինք:

Մեր ղեկուցագրի սևը (մեր մեջ մնա) Ստ. Մամիկոնյանի՝ մոտ է: Խնդրեց, որ իմ մոտ թողնեմ, որպեսզի ընդհանուր ժողովի ժամանակ օգտվի: Եթե թեղ հարկավոր գա, կարող ես ստանալ նրանից:

Երեկ թեղ մի թիչ խաղող ուղարկեցի, ընտանիքովդ միասին անուշ արեք: Ներփակ ուղարկում եմ անդորրագիրը: Խաղողն ուղարկված է с доставкой на дом, ուրեմն ուղղակի տունդ կրե՞րեն: Ոչինչ չսխալվե՞լ վճարես, ամեն ինչ վճարված է:

Սիրայիր ողջունենե՞րս տիկին Նունեին և ճուտերիդ: Հասցես՝ Ялта, Аутская ул., студия Воронкова—ինձ:

28 հունիս, 1911
Մոսկվա

Սիրելի Կարապետ

Ուրախ եմ, որ բնակավայրիդ դեմքն ու գույնը այնքան հրապուրիչ են և նույնիսկ բանաստեղծական տրամադրություն են ներշնչում հոգուդ: Ներշնչվիր, բարեկամ, ներշնչվիր, հանգստի և անդորրի քաղցրությամբ արթնցած՝ ջան ասա, ջան լսիր գեղածիծաղ բնության ծոցում, կեր, խմիր, նայիր, չիացիր ազահորեն և անհագորեն. կգա ձմեռը և նորից կսկսվի «վարժապետական» շարքա՜ կյանքդ, նորից դասագիրք ու տետրակ, նորից դասարան և ուսուցչանոց, նորից մայրաքաղաքի պրոզայական «ասե-կոսեններ»...

Ես էլ ուրախությամբ կփախչեմ այս մեծ քաղաքի անկյունի քար ու երկաթից, խեղդուկ մթնոլորտից, սրտամաշ ժխորից, բայց ինչ արած—սանճարը կեղծ է բանջարը», հնարավորություն չունեմ, նյութական հանգամանքները չեն ներում: Մտադիր եմ աշնանը դարձյալ դեպի հարավ...

Ուղարկում եմ թեղ մեր պատասխանը պ. Մելիքյանին՝ և Չայխուշյանի «պատասխան» թեղ: Այս անգամ արդեն 'Դոնի ափերին ապրող հրապարակախոսը՝ միանգամայն կորցրել է իր ողջախոհության գեղավթարները... իմ այս պատասխանում նա հասնում է կատարյալ ցինիզմի... ասել որ ոչ մի հայ բանաստեղծ, ոչ մի հայ հրապարակախոս, ոչ մի հայ գրքի ու մտքի մշակ մեր կյանքում չեն արել այն, ինչ որ արել է մի հայ վաճառական աղա Լադարյանը—դա իմ կարծիքով մտքի պոռնկություն է... ուրեմն Արծվյանի, Նալբանդյանի, Արծրունու, Գամառ-Քաթիպայի, Ռաֆֆու վրա, որոնք հեղաշրջել են մեր բովանդակ կյանքը, պետք է յսա՜ թաշել և արձան կանգնեցնել աղտ Լադարյանին, արձանի սակ, իբրև թղուկներ, բերել, շարել մեր կյանքի այդ կարապետներին, որ նրանք ներքևից վերև նայեն...

'Դոնի ափին ապրող հրապարակախոսը հայտնում է մի նոր հանճարեզ միտք. նա ասում է. գաղափարը պիտի ծառայե մարդուն և ոչ մարդը—գաղափարին: Եվ նա ծաղրում է գաղափարին ծառա, գաղափարին ստրուկ լինելը... Այո, սիրելի Կարապետ, ամեն մարդ իրավունք ունի խելսու լինելու, բայց այդ իրավունքը նա ի շարն է գործադրում—նրան պիտի կապտե՞լ և в желтый дом...:

Իմ կարծիքով, Կարապետ, դու այժմ պիտի թողնես ակադեմիական աթոռը և այլ...⁴ այլ տոնով մի լավ շշպոես նրան. էնպես պիտի գլուխը սապնել, որ կյանքում շնորհանա... Եվ դա պիտի լինի քո վերջին պատասխանը:

Խեղճ Աղայանն էլ մեռավ: Երևի այդ տխուր լուրը արդեն հասել է ականջիդ: Այստեղից, մի խումբ հարպուղներից հեռագրեցի, որ պսակ դենն, իսկ հոգևհանգիստ կատարեցինք: Իմ կողմից էլ առանձին ցավակցական հեռագիր ուղարկեցի:

Տեղական նորություններ—Մեռավ Սարգիս Ջանուսյանը⁵. էջմիածնի ճեմարանին կտակել է 80000 ո. սաներ պահելու: էջմիածին, էջմիածին—զահլատարան, Կարապետ, Հայ հարուստի բորբոսնած և մոլեռանդության տիղմի մեջ թաղված հոգին իր փրկությունը շարունակ որոնում է ֆարաջայի փեշերի տակ և պարտք է իր ունեցածի մի մասը միշտ ֆարաջայի փորն ածել...:

Այստեղ է Լևոն Սարգսյանը⁶, էլի էն Լևոնն է, չի փոխվել, մի քիչ պառավել է միայն: Միշտ տեսնվում ենք, ասում խոսում ենք դեսից-դենից: Անցյալ օրն ինձ մոտ էր ճաշի Ստեփանի⁷ և Առաքելի⁸ հետ միասին: Մանութացավ տիկնոջս⁹ հետ:

Շատ, շատ բարևում է տիկինը: Պողոսին⁸ ասացի ինչ որ գրել էիր: Հարբարեններս պատվական տիկին Նունին, դստրիկիդ:

Սիրո համբույրներով սեղմում եմ ձեռքդ քո Ալ. Մատուռյան

4 օգոստոս, 1911
Մոսկվա

3

Սիրելի Կարապետ

Սպասում էի «Հորիզոնին», որպեսզի նամակիդ պատասխանն ուղարկեմ հողվածիդ հետ միասին: Բայց սպասելու ապարդյուն անցավ: Ինչպես երևավում է «Հորիզոնն» անհարմար է գտել պատասխանը տպագրելու: Չգիտեմ, ի՞նչ ես գրել, ի՞նչ պատասխան ես տվել հարուստների խնկարկու պր. Չալխուռյանին, որ «Հորիզոնն» էլ սիրտ չի անում գրածիդ տեղ տալու իր էջերում, եթե պատասխանդ այս անգամ չափազանց խիստ ու կծու է: Բայց մի՞թե «Հորիզոնը» քաշվում է կամ վախենում է Դոնի ափերին կաքավող այդ Չալխուռյանից, որը իր հրապարակախոսական դավանանքներով ու համոզումներով իսկ որ Չալխուռ է... (пестрая птица): Եթե հիրավի վախեցն է, որ «Հորիզոնը» չի տպում քո պատասխանը, զարմանում եմ..., բայց եթե ունի այլ հարդելի պատճառներ ու նկատումներ—դա ուրիշ խնդիր է: Բայց և այնպես, լավ կանես դու մի բաց նամակ ուղարկես, իմանաս հողվածիդ վիճակը և, եթե շէն տպելու, նույնը համապատասխան ծանոթագրությամբ հանդերձ ղրկես «Մուրհանգակին», որը անտարակույս կտպի: Մեծ հաճությամբ կարդացի, սիրելի Կարապետ, քո գեղեցիկ և պատկերավոր համեմատությունները այդտեղի և այստեղի մասին... կարդացի այդ փոքրիկ ժողովածուի և հայերիս բնույթների, մտաշխարհների բնորոշումներից...

⁴ Բառը անընթեռնելի է—Վ. Վ.:

⁵ Կրճատումը հրապարակողինն է:

Յույց տուր ինձ մեր կյանքում այն քաղաքակրթական գործոնները, որոնց մենք ազգային ինքնագիտակցության, ազգային խնքնապատվության զգացումներով սիրում, խնամում ու փայփայում ենք... ունենք մայրենի գրականություն, մայրենի մամուլ, ստեղծագործ մտքեր, գրչի մշակներ, բայց... վայ նրանց օրին ու հային... Ընկած են աչքից, մատնված են խայտառակ անտարբերության... Ունենք մայրենի գպրոց, քրտնաջան ուսուցիչներ և ուսուցչուհիներ, բայց... այդ խեղճերը քաղցից ու անապահովությունից առաջ են ծնվում... Ունենք մայրենի թատրոն, բեմի անձնվեր, մուլեռանդ մշակներ, բայց ինչ է նրանց վիճակը—փուշ ու տատասկ, կիսամաշ մաքսումն անապահովության և հասարակական անտարբերության դեմ... վերջապես, ունենք իրավունք, որը ներկա պայմաններում մի անհասկանալի հրաշքով է տրված մեզ—կանգնելու հավերժական կոթող մեր գրական նահապետին՝ «Վերք Հայաստանի»-ի մեծանուն ողբերգվին. կանգնելու այն էլ բաց երկնքի տակ, մայր երկրում, ի տես աշխարհի Եվ մենք ինչպե՞ս ենք պատասխանում այդ եզակի իրավունքին։ Ահա համարյա երկրորդ տարին է, որ մեր ազգային ինքնաճանաչությունն ու ինքնապատվությունը, մեր կուլտուրականությունն ու մտավոր հասունությունը նվիրաբերել ենք ազգային այդ մեծ գործին ընդամենը... 2000 ուրիշ։

է՛հ, ո՞ր մեկը թվեմ, սիրելի Կարապետ...

Միակ բախտավոր բացառությունը մեր կյանքում սառուրախտաբար առաքելական եկեղեցին է, այն բավթառած եկեղեցին, որի պատերը ղեռ սիրում ենք և շարունակում ենք անմտությամբ լիզել... «Տիրացուս հայերս մեր խնամքն ու հոգացությունը չենք խնայում միայն այդ հոգեսպան վայրի համար, որի սպասավորներն էլ՝ կարճ-խելք և երկար մորուս, անիրավաբար ապրում են և՛ կուշտ, և՛ ապահով...»

Սիրելի Կարապետ, նայելով մեր այս տխուր, մեր այս անբովանդակ, անիմաստ ներկային՝ ես մտածում եմ, որ մեր արդի գոյության իմաստն իսկապես լոկ պատմական է, որ մենք մի տեսակ հնագիտություն ենք միայն... և ուրիշ ոչինչ...։

Կարճում եմ խոհերս, որպեսզի պղտորած շիինեմ քո այն անհույզ անդորր տրամադրությունն, որ այնպես շուայրորեն պարզևում է քեզ ապրածդ վայրի շինարար կյանքը, բնության գեղեցկությունը, մարդկանց ստեղծագործ և հայրենաշունչ ոգին...։

Մի բանի համար միայն շատ դժգոհ եմ քեզանից, Կարապետ։ Ապրելով այդտեղ դու միանգամայն որդեգրել ես Մուսային. այնքան ոգեշունչ և պատկերավոր են նամակներդ։ Բայց մեր տղա, իսկի մտածում ես, որ դրանով գու՝ առանց էն էլ քաղցած, խեղճ ու կրակ բանաստեղծներին» հացն ես կտրում...։ Ես, իհարկե, իմ դարդումը չեմ. փեշակակից եղբայրներին հոգն եմ քաշում...։ Փառք աստծո, ազգն ինձ այնպես ապահովեց, որ հավիտյանս հավիտենից կարող եմ թագավորի պես ապրել...։

Տղերքն արդեն հավաքվել են՝ այստեղ են Վահանը¹, Կարեն Միքայելյանը², Պողոսն էլ հո դե սաղ ամառ ինձ նման, էրվում ու խաշվում էր էս քարաշեն-երկրաշեն դժոխքում, որի անունն է՝ Մեծ քաղաք...։ Կարենը եղել է Պոլսում նոր և հետաքրքրական շատ բան է պատմում նորոգված Թյուրքիայի կեղծ ու շինծու սահմանադրական կյանքից... բանից երևում է, որ այդ սահ-

մանադրական նորատունկ ու նորարույս ծառից հայերը դարձյալ միևնույն դառն պտուղներն են բաղում, ինչ որ Համիդի ժամանակն էր...

«Հորիզոնն», ինչպես քեզ հայտնի է, մեր խմբական պատասխանի տակ գետնից վաճ իր ծանոթությամբ խոստացնլ էր նորից վերադառնալ մեր բանակովի խնդրին: Սակայն խոստումը մինչև օրս խոստում էլ մնաց: Ձայն ծպտուն չի հանում...: Եվ շատ էլ լավ է անում, որովհետև, վիճելի խնդիրն այնպիսի մի կույտ է, որ ինչքան շատ քրքրե, այնքան անախորժ հոտ կբարձրանա «Հորիզոնի» համար...:

«Անոն փաշան»³ արդեն ճանապարհվեց դեպի իր պաշտոնատեղին: Դանդաղաշարժ Ստեփանը⁴, դե գիտես էլի, ինչ է անում—սուսուփուս ման է գալիս կյանքի խնդիրները խմորի պես շարունակ հունցում է իր մտքի տաշտում, բայց թե երբ պետք է մի օր մեյդան դուրս գա և բան թխի, աստված գիտի: Առաքել Դերվիշն էլ Պարսկաստանի վիճակն է վճռում, իսկ գիշերները այս ու այն բարտիստկայիս փեշերի թոզն է սրբում...:

Ջերմագին ողջունես տիկ. Նունեին,
սեղմում եմ ձեռքդ քո Ալ. Մատուրյան

Անթվակիր

4

Կարապետ

Երկու օր է տևից դուրս չեմ դալիս, հիվանդ եմ և հազիվ թե վաղն էլ կարողանամ դուրս գալ: Ցավում եմ, որ վաղվա ժողովին «Կոնստինենտալ» հյուրանոցում չպետք է կարողանամ ներկա գտնվել, էհ, ինչ արած, առանց ինձ ժողով արեք, վճռեք ինչ որ պետք է և գործին ցանկալի ընթացք տվեք: Աստված սիրեք իմ պատճառով ժողովը մի հետաձգեք, էլ հետաձգելու ժամանակ չկա, շուտով մենք ամենքս էլ ցրվելու ենք դես ու դեն, ցանկալի է որ մեր ցնալուց առաջ այդ «Մեսրոպյան մատենադարանի»¹ խնդիրը մի որոշ լուծում ստանա: Իմ տեսակետը, իմ հայացքներն այդ խնդրի նկատմամբ թե՛ քեզ, թե՛ Պողոսին արդեն հայտնի են:

Քո Ալ. Մատուրյան

ԾԱՆՈԹԱԿՐՈՒԹՅՈՒՆՆԵՐ

1

- 1. Վերա մտեփանովնա—Ալեքսանդր Մատուրյանի կինը:
- 2. Կուսիկյան Նունե—Կարապետ Կուսիկյանի կինը:
- 3. Ստեփան Մամիկոնյան—իրավաբան, բանասեր, Մոսկվայի (ազարյան ճեմարանի դասախոս, խմբագրի և հրատարակել է «Եռոսը» պարբերականը (Մոսկվա), եղել է Մոսկվայի հայ համայնքի կոմիտեի նախագահ:

2

- 1. Մեյիբյան—մշակութային և հասարակական գործի:
- 2. Ձայնունյան Գրիգոր Խաչատուրի (1861—1935)—իրավաբան, հրապարակախոս, հասարակական գործի:

3. Նկատի ունի Գ. Չալխոյանին, որը բնակվում էր Նոր Նախիջևանում
4. Սարգիս Զանուժյան—մեծահարուստ վաճառական:
5. Սարգսյան լևոն Ռուրենի (1862—1925)—բանասեր, պատմաբան, հրապարակախոս, խմբագիր: Սովորել է լազարյան ճեմարանում: Ավարտել է Մոսկվայի կայսերական համալսարանը: Պաշտոնավարել է լազարյան ճեմարանում, Ներսիսյան և Գայանյան դպրոցներում, խմբագրել է «Մուրճ» ամսագիրը: Գրել է «Փողոզը սկան կրթության գործը մեզանում», «Էին ջափ», «Մարենի խոսք» աշխատությունները:
6. Նկատի ունի Ստեփան Մամիկոնյանին:
7. Նկատի ունի Առաքել Դերվիշին—բանասեր, լրագրող:
8. Նկատի ունի Պողոս Մակինցյանին:

3

1. Նկատի ունի բանաստեղծ Վահան Տերյանին:
2. Միքայելյան Կարեն Ուրզախ (1883—1941)—գրող, հասարակական և մշակութային գործիչ:
3. Ակնարկում է լևոն Սարգսյանին:
4. Նկատի ունի Ստ. Մամիկոնյանին:

1. «Մենքույան մատենադարան»—հայ գրերի գյուտի 1500-ամյակին նվիրված «Նախա-մատչելի Մենքույան գրադարան» մատենադար. լազարյան ճեմարանի գիտական խորհուրդը այդ առթիվ մրցույթ էր հայտարարել: